

## Naqqiut

Siunnersuut 4. september 2019-imeersaq taarserpaa

### Tungavilersuut

Inatsilerinermi teknikikkut malitassiat naapertorlugit allannguisoqarpoq.

Siunnersuummut nassuiaatit

### **Nassuiaatit nalinginnaasut**

#### **1. Aallaqqaasiut**

Politiit Isertortumik Paasiniaasartui pillugit inatsit pillugu peqqussutissamut siunnersuutip tusarniaassutigineqarnerata Kalaallit Nunaanni tiguneqarnerata kingorna siunnersuut saqqummiunneqarpoq. Peqqussut ilaatigut oqaatiginnittunut, tusarfinnut tutsuiginartunut il.il. akissarsiassanik tunniussinissamut periarfissaqarnermik imaqqarpoq. Akissarsiat taakkua suliap pissusissamisoornerani sukannersumik isertuussiviusussaammata, taakkua akileraarutini ilaatinneqannginnissaat aammalu isumaginninnermi ikiorsiissutinik naatsorsuinnermut tungaviusuni ilaatinneqannginnissaat Danmarkimi toqqarneqarsimavoq.

Siunnersuummi matumani akissarsiat taakkua taamaaqataanik maannakkut isertitanik aallaaveqartumik isumaginninnermi ikiorsiissutinik tunniussinermi naatsorsuinnermi ilaatinneqannginnissaat siunertarineqarpoq.

Aammattaq angajoqqaarsianut, oqilisaasartunut inissiigasuartarfinnullu akissarsiaritit maannakkorpiaq isertitat nalunaarsorneqarneranni ilaatinnginneqarnissaat pillugu aalajangersakkamik siunnersuut imaqqarpoq. Innuttaasumut paarsinermik, oqilisaassinermik tassangaannartumilluunniit paarsinermik suliaqartumut akissarsiaritit tunniunneqartut suliaannut atatillugu aningaasartuutaanerusut matussuserneqarnissaannut atorneqartut innuttaasup isumaginninnikkut ikiorsiissutinik qanoq annertutigisumik pissarsisinaaneranut sunniuteqarnissaat siunertaangilaq. Taamaalillunilu 2019-imi aningaasanut inatsimmi konto pingaarnermut 30.10.32, Meeqqanut tapiissutinut tunngasumut, konto pingaarnermut 30.11.10-mut, Ineqarnermut tapiissutinut tunngasumut, konto pingaarnermut 30.12.08-mut, Utoqqalinermi pensionisianut tunngasumut aamma konto pingaarnermut 30.12.09-mut, Siusinaartumik pensionisianut tunngasumut oqaasertaliussanik ilanngussisoqarpoq, taakku malillugit maannakkorpiaq isertitat pissarsiarisartakkat taakku amerlaqataannik ilanngarneqassallutik. Tassunga atatillugu innuttaasup nalimmassaataasumik ilanngaatisiaqarsinnaanini uppersarsinnaassagaa naatsorsuutigineqarpoq.

Politiit Isertortumik Paasiniaasartuisa suliaasa ingerlaannarnissaannut aammalu isertuussaannissaasa qulakkeernissaanut kiisalu angajoqqaarsianut , oqilisaasartunut

inissiigasuarterfinnullu akissarsiarititanut atugassarititaasut assingisa atuutsiinnarnissaannut siunnersuut iluaqutaassaaq.

## 2. Siunnersuummi immikkoortut pingaernerit

Siunnersuutigineqarpoq procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni aalajangersagaq, akissarsianik PET-mit assersuutigalugu tusarfinnik tutsuiginartumik imaluunniit oqaatiginnittunik aningaasarsiaritinneqartut ajunngitsorsiassallu il.il., maannakkut isertitanik naatsorsuinermi ilaatitsinngiffiususaaq, atuutsinneqalissasoq. Aammattaaq angajoqqaarsianut, oqilisaasartunut inissiigasuarterfiinnullu akissarsiarititat tassunga ilaatinnginnissaat pillugu aalajangersakkamik siunnersuut imaqarpoq.

Siunnersuutip atuutilerfissaata Politiit Isertortumik Paasiniaasartui pillugit inatsit pillugu peqqussutissatut siunnersuummut ataqatigiissaarniarlugu siunnersuutigineqarpoq inatsit 1. Januar 2020-mit atuutilissasoq, taamaattorli siunnersuummi § 5, imm. 3, nr. 3-mut siunnersuutip atuutilerfissaata aalajangernissaanut Naalakkersuisut piginnaatinneqassallutik, taamaalilluni aalajangersakkap taassuma piffissaaq atuutilerfissaa Politiit Isortortumik Paasiniaasartui pillugit peqqussutip atuutsinneqalernissaanut ataqatigiissaarneqassammat.

| <b>Inatsisissatut siunnersuut inatsimmut atuuttumut sanilliullugu</b>   |  |
|---|--|
| <i>Oqaasertaliineq atuuttoq</i>   | <i>Inatsisissatut siunnersuut</i>  |
|   | Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersumi, Inatsisartut inatsisaanni nr. 3, 24. maj 2019-imi allanngortinneqartumi makkua allanngortinneqarput:  |
| <p><b>§ 5, imm. 3, nr. 1-2</b><br/> <i>Imm. 3.</i> Naatsorsuinermi ilanngunneqassanngillat:<br/>           1) soraarnerussutisiaqarnissamut aaqqissuussinernut Aningaasarsianit akileraarutit pillugit Inatsisartut inatsisaanni § 39 a-mi taaneqartunut akiliutit akileraaruteqaataasussat, aamma<br/>           2) pisortanit ikiorsiissutit pillugit Inatsisartut peqqussutaat naapertorlugu ikiorsiissutit.</p> | <p>§ 5, <i>imm. 3</i> ima oqaasertalerneqassaaq:<br/>           “ <i>Imm. 3.</i> Naatsorsuinermi makku isiginiarneqartassanngillat:<br/>           1) Soraarnerussutisianik katersanik aaqqissuussinernut akilersuutit akileraaruserneqartussaataasut, akissarsianik akileraarutit pillugit Inatsisartut inatsisisaanni § 39-mi taaneqartut,<br/>           2) Pisortanit ikiorsiissutit pillugit Inatsisartut peqqussutaat naapertorlugu ikiorsiissutit,<br/>           3) ajunngitsorsiat, Politiit Isertortumik</p> |

|  |   |
|--|---|
|  | <p>Paasiniaasartuisa immikkut kukkunersiuisarnerannut ilaatinneqartunit aningaasat tunniunneqartut, aamma 4) ajunngitsorsiat, meeqqat tapersorneqarnissaannut Inatsisartut inatsisaanni maleruagassat naapertorlugit angajoqqaarsianut, oqilisaasartunut ilaqutariinnulluunniit inissiigasuarterfinnut tunniunneqartut, matumani tiguisup ukiumi isertitaqarfiusumi pineqartumi nalinginnaasumik ilanngaatiq saniatigut suliani taaneqartunut tunngatillugu akileraarusersugassatut isertitaminik naatsorsuinermini ilanngaatigisinnaasaasa annerpaaffissaat qaanginnippagu, takuuk aningaasarsianit akileraarutit pillugit Inatsisartut inatsisaanni § 21, imm. 2..”</p> |
|  | <p style="text-align: center;"><b>§ 2</b></p> <p>Inatsisartut inatsisaat ulloq 1. januar 2020-mi atuutilerpoq, taamaattorli takuuk imm. 2 Imm. 2. § 5, imm. 3, nr. 3, § 1, nr. 1-imi aalajangersarneqartutut siunnersuut nalunaarutikkut atuutilersinneqassaaq.</p>   |

### 3. Pisortanut aningaasaqarnikkut allaffissornikkullu sunniutaasussat

Ilimagineqarpoq ajunngitsorsiat PET-mit tunniunneqartut, maannakkorpiaq isertitat naatsorsorneqartarnerannut ilanngunneqartannginnissaat pisortanut annikitsumik aningaasaqarnikkut sunniuteqassasoq, tassami inunnut isumaginninnermit ikiorsiissutinik tunineqartartunut tunniussinerit annertussusaat annikitsuinnaassasoq naatsorsuutigineqarmat. Taamaattoq taamaallaat politiit tunniussinerit tamarmiusut ilisimasassavaat.

Angajoqqaarsianut, oqilisaasartunut ilaqutariinnulluunniit inissiigasuarterfinnullu ajunngitsorsiat 2019-mut Aningaasanut inatsit naapertorlugu maannakkorpiaq isertitat naatsorsorneqartarnerannut ilaatinneqanngereerput. Taamaammatt siunnersuutip ilaa ilaqutariinnut paarsisartunut, oqilisaassisartunut tassanngaannartumillu paarsisartunut ajunngitsorsiat paarsisartunut, oqilisaassisartunut tassanngaannartumillu paarsisartunut ajunngitsorsianut attuumassuteqartoq pisortanut annertunerusumik aningaasaqarnikkut sunniuteqassanani.

Siunnersuut pisortanut allaffissornikkut sunniuteqassanngilaq.

#### **4. Inuussutissarsiortunut aningaasaqarnikkut allaffissornikkullu sunniutaasussat**

Siunnersuut inuussutissarsiortunut aningaasaqarnikkut allaffissornikkullu sunniuteqassanngilaq.

#### **5. Avatangiisinut, pinngortitamut inuillu peqqissusaannut sunniutaasussat**

Siunnersuut avatangiisinut, pinngortitamut inuillu peqqissusaannut sunniuteqassanngilaq.

#### **6. Innuttaasunut sunniutaasussat**

Siunnersuut innuttaasut Politiit Isertortumik Paasiniaasartuinik suleqateqarneranni aammalu suliaqarnerminnut akissarsiassanik tunniussivigineqarneranni kinaassusaasa paasitinneqannginnissaannut qulakkeerinneqataassaaq.

Siunnersuut innuttaasunut allaffissornikkut sunniuteqassanngilaq.

#### **7. Sunniutaasussat allat annertuut**

Siunnersuut allanik annertuunik sunniuteqassanngilaq.

#### **8. Oqartussanut kattuffinnullu il.il. tusarniaaneq**

§ 5, imm. 3, nr.-mut siunnersuut piffissami 2019-imi 17. aprilimit 22. martsip tungaanut makkunani tusarniaassutigineqarpoq:

Naalackersuisut Siulittaasuata Naalackersuisoqarfia, Pinngortitamut Avatangiisinullu Naalackersuisoqarfik, Ineqarnermut Attaveqaqatigiinnermullu Naalackersuisoqarfik, Ilinniartitaanermut, Kultureqarnermut Ilageeqarnermullu Naalackersuisoqarfik, Nunanut Allanut Naalackersuisoqarfik, Aalisarnermut, Piniarnermut Nunalerinnermullu Naalackersuisoqarfik, Peqqissutsimut Naalackersuisoqarfik, Isumaginninnermut Inatsisinillu Atuutsitsinnermut Naalackersuisoqarfik, Inuussutissarsiornermut, Nukissiuuteqarnermut Ilisimatusarnermullu Naalackersuisoqarfik, Aatsitassanut Suliffeqarnermullu Naalackersuisoqarfik, Sulisitsisut, SIK, NUSUKA, Kommune Kujalleq, Qeqqata Kommunia, Kommuneqarfik Sermersooq, Avannaata Kommunia, Kommuni Qeqertalik aamma Kalaallit Nunaanni Politimesteri.

Siunnersuut aamma uani [www.naalackersuisut.gl](http://www.naalackersuisut.gl) Naalackersuisut tusarniaanermut nittartagaanni tamanut saqqumitinneqarpoq.

Tusarniaanermut killissaliussap naanerani makkunannga tusarniaanermut akissuteqaat tiguneqarpoq:

Inuussutissarsiornermut, Nukissiuuteqarnermut Ilisimatusarnermullu Naalackersuisoqarfik, Peqqissutsimut Naalackersuisoqarfik, Aatsitassanut Suliffeqarnermullu Naalackersuisoqarfik, Isumaginninnermut Naalackersuisoqarfik, Pinngortitamut Avatangiisinullu Naalackersuisoqarfik, Kommune Kujalleq aamma Kommuneqarfik Sermersooq.

Tusarniaanermut akissutit matuma kingulianiittut oqaaseqarfigineqarnissaat tunngavissaqartinneqarpoq:

Kommune Kujalleq:

”Tusarniaassut Kommune Kujallermit misissorneqarpoq aammalu allannguutissatut siunnersuummut oqaaseqaatissaqarnani, tamatumani siunertarineqarluni akissarsiaritinneqartut Politiit Isertortumik Paasiniaasartuisa maannakkorpiaq akissarsianik naatsorsuisarneranni kukkunersioriaatsimut ilaatinneqannginnissaat.

Siuliani akissummi tunngavissaatinneqarpoq peqqussutissatut siunnersuutip matuma kinguliani allassimasup Politiit Isertortumik Paasiniaasartui pillugit inatsimmi § 15-ip Kalaallit Nunaannut atuutsinneqalernissaa pillugu aalajangersakkamik ilaqartinneqarnissaa.

Taamaalilluni kommunimit oqaatigineqassaaq Politiit Isertortumik Paasiniaasartui pillugit inatsisip atuutsinneqalernissaa pillugu peqqussutissamut siunnersuutip Naalackersuisut ulloq 1. maj 2019-imi inatsisinik atuutsitsinermit ministeriaqarfimmut ingerlanneqarnissaa pillugu qinnutigineqarnissaannik aalajangerneqartup tusarniutigineqarneranut peqatigitillugu inatsisissatut siunnersuut tusarniutigineqarpat tamanna tulluarnepaasimassagaluartoq.”

Tusarniutit taakku marluk ataatsikkut ingerlanneqarsimasuuppata tulluarnersagalarpoq. Kinguaattooruteqarnermi pissutaavoq oqartussaasut akornanni ataqatigiissaarisooqannginnera.

Isumaginninnermut Naalackersuisoqarfik:

”Naalackersuisoqarfik siunnersuummut isumaqataavoq aammalu akissarsiaritinneqartut Politiit Isertortumik Paasiniaasartuisa maannakkorpiaq akissarsianik naatsorsuisarneranni kukkunersioriaatsimut ilaatinneqannginnissaat pillugu siunnersuummut oqaaseqaatissaqarnani.

Akerlianik Naalackersuisoqarfik isumaqarpoq allannguisoqarnissaa iluarnersasoq. 2018-imi aningaasanut inatsimmi aammalu 2019-imi aningaasanut inatsimmi oqaasertaliussaqqarpoq tassani aalajangersarneqarluni angajoqqaarsianut, oqilisaasartunut ilaqutariinnullu inissiigasuartarfinnut akissarsiat siuliani taaneqartut assigalugit maannakkorpiaq isertitanut ilaatinneqassanngitsut. Maleruagassaq taanna aningaasanut inatsimmi ilaatinneqarunnaarluni procenti aaqiissutissaq aamma maannakkorpiaq aningaasarsiat pillugit Inatsisartut inatsisaanut periarfissaq siulleq atorlugu ilanngunneqassasoq Isumaginninnermut Inatsisinillu Atuutsitsinnermut Naalackersuisoqarfiup aammalu Aningaasaqarnermut Naalackersuisoqarfiup akornanni isumaqatigiissutaavoq. Taamaattumillu allannguutissatut siunnersuummut matumunnga atatillugu tamanna ilanngunneqarluarsinnaavoq.”

Angajoqqaarsianut, oqilisaasartunut ilaqutariinnulluunniit inissiigasuartarfinnut akissarsiat pillugit aningaasanut inatsimmi oqaasertaliussat inatsimmut ilanngunneqarnissaannik nassuiaat tusaatissatut tiguneqarpoq aammalu § 5, imm. 3, nr. 4-tut nutaatut ilanngunneqarnissaat siunnersuutigineqarluni.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

§ 5, imm. 3, nr. 3-mut

Aalajangersakkap malitsigisaanik akissarsiat Politiit Isertortumik Paasiniaasartuinut kukkunersuineranut suleriaatsit immikkut ittut malillugit aningasassanit tunniunneqartut, maannakkut isertitat naatsorsorneqarneranni ilaatinneqassangillat.

Aalajangersakkamut siunertaavoq Politiit Isertortumik Paasiniaasartuisa, inunntut nunami sillimaniarnermut il.il. tapersiisut kinaassusaat imaluunniit atassuteqarnerup imarisai oqaatiginagit ajunngitsorsiassaqartitsisinaanissaat.

§ 5, imm. 3, nr. 4-mut

Paarsineranut akissarsiarititat nalinginnaasut angajoqqaarsianut tunniunneqartartut kiisalu oqilisaasartunut akissarsiarititat aammalu inissiigasuartarfinnut akissarsiarititat maannakkorpiaq isertitat nalunaarsorneqartarneranni meeqqat tapersorneqarnissaannut Inatsisartut inatsisaat naapertorlugu ilaatinneqarunnaassapput. Paarsineranut akissarsiarititat nalinginnaasut isumaginninnermi aningaasat tunniuttakkat annertussusissaat pillugu kaajallaasitami tunngaviusumik annertussuserititaq malillugu annertussuseqartinneqarput. Paarsineranut akissarsiarititat nalinginnaasut pisuni immikkut ittuni procentinik aalajangersimasunik qaffanneqarsinnaapput. Paarsineranut akissarsianik pissarsinermi aammalu paarsinermi aningaasartuutit naatsorsuuserinikkut nalunaarsorneqartinnagit maannakkorpiaq aningaasarsiat paarsineranut akissarsiat nalinginnaasut annertussusiata amerlaqataannik uppersarsaatitaqanngitsumik ilanngaatigineqarsinnaapput. Paarsineranut aningaasartuutit paarsinerup ingerlanneqarnissaanut, qulakkeerneqarnissaanut ingerlatiinnarneqarnissaanullu aningaasartuutigineqartut naatsorsuutitigut nalunaarsorneqarsimappata aningaasartuutit uppersarsarneqarsinnaasut maannakkorpiaq aningaasarsiat nalunaarsorneqarneranni ilanngaatigineqarsinnaapput.

Appaassut ukiumi isertitaqarfiusumi pineqartumi pissarsiaqartartup aningaasarsianit akileraarutit pillugit Inatsisartut inatsisaanni § 21, imm. 2 naapertorlugu ilanngaatip aalajangersimasup saniatigut ingerlaturanut pineqartunut atatillugu isertitaminik akileraarutaasussaasunik nalunaarsuinermini ilanngaatigisinnaasaasa annertunerpaaffigivaa.

Akissarsiarititat akileraarutaasussaapput, taamaattorli paarsineranut akissarsiarititanut nalinginnaasunut annertussuserititat amerlaqataannik ilanngaassisoqartarpoq, taamaattorli

aningaasarsianit akileraarutit pillugit Inatsisartut inatsisaanni § 21, imm. 2 naapertorlugu aalajangersimasumik ilanngaat 10.000 kr.-usoq ilanngaatigalugu. Takuuk assersuutit matuma kinguliani allassimasut:

#### Assersuut 1

Ilanngaatit aalajangersimasumik ilanngaammut ilanngunneqartarnerannut assersuusialu

|  |                |
|--|----------------|
| Qaammammi ataatsimi paarsinermut akissarsiat nalinginnaasut  | 5.068 kroner   |
| SIK-mut qaammatini aqqaneq marlunni ilaasortaanermut akiliut | 3.600 kroner   |
| Ernianut ilanngaat   | 1.100 kroner   |
| Katillugit   | 9.768 kroner   |
| (Aalajangersimasumik ilanngaat                               | 10.000 kroner) |

Maannakkorpiaq aningaasarsiat appartinneri 10.000 kroner

Aalajangersimasumik ilanngaat inuup ilanngaataanit annertunerummat aalajangersimasumik ilanngaatip annikinnerpaaffissaa 10.000 kr.-nut tunngavigineqartarpoq.

#### Assersuut 2

Ilanngaatit aalajangersimasumik ilanngaammit annertunerunerannut assersuusialu

|  |                |
|--|----------------|
| Qaammatini pingasuni paarsinermut akissarsiat nalinginnaasut | 15.204 kroner  |
| Qaammatini aqqaneq marlunni SIK-mut akiliutit                | 3.600 kroner   |
| Ernianut ilanngaat   | 1.100 kroner   |
| Katillugit   | 19.904 kroner  |
| (Aalajangersimasumik ilanngaat                               | 10.000 kroner) |

Maannakkorpiaq isertitat appartinneri 19.904 kroner

Paarsinermut akissarsiat nalinginnaasut aalajangersimasumik ilanngaammit amerlanerummata paarsinermut akissarsiat nalinginnaasut tunniunneqartut amerlaqataannik maannakkorpiaq aningaasarsiat ikilisinneqassapput. Isertitat akileraarutaasussaasut nalunaarsorneranni ilanngaatigineqassapput 19.904 koruunit. Taamaalilluni paarsinermut akissarsianut nalinginnaasunut aammalu aalajangersimasumik ilanngaammut ilanngaassisoqassanngilaq.

Akissarsiarititat 2018-imi aamma 2019-imi aningaasanut inatsimmi oqaasertaliussani maannakkorpiaq isertitanik nalunaarsuineq pillugu oqaasertaliussami siusinnerusukkut ilaatinneqanngillat.

§ 2-mut



Siunnersuummi § 5, imm. 3, nr. 3-p piffissap atuutilerfissaata aalajangernissaanut Naalackersuisut piginnaatinnegassasut siunnersuutigineqarpoq. Tamatumani qulakkeerneqarpoq siunnersuutip matuma Politiit Isertortumik Paasiniaasartui pillugit inatsisip aalajangersarneqarnerata peqatigisaanik atuutilernissaa. § 5, imm. 3, nr. 4-mut atatillugu taassuma ulloq 1. januar 2020-mi atuutilernissaa siunnersuutigineqarpoq.